

**Isumaginninnermi suliassaqarfimmi nakkutilliisarneq pillugu Namminersorlutik
Oqartussat nalunaarutaat nr. 30, 20. december 2019-imeersoq Atuussimasoq (Historisk)**

Isumaginnittooqarfip aqunneqarnera aaqqissuussaaneralu pillugit Inatsisartut peqqussutaat nr. 11, 12. november 2001-imeersumi § 1, imm. 2, Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersumi § 8, imm. 6, § 11, imm. 5 aamma § 37, imm. 7, Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumi § 62, imm. 4, § 63, imm. 4, § 64, imm. 6, aamma § 68, imm. 4, aamma Utoqqarnik paaqqinniffit il.il. pillugit Inatsisartut peqqussutaat nr. 11 ulloq 30. oktober 1998-imeersumi § 5, imm. 4 malillugit tullinnguuttut makku aalajangersarneqarput:

Kapitali 1

Kommunalbestyrelsip ingerlatsineranik pingaarnertut nakkutilliineq

§ 1. Naalakkersuisut qitiusumik nakkutilliinermik ingerlatsivia (Nakkutilliinermik ingerlatsivik) kommunalbestyrelsip ingerlatsineranik aamma inunniq isumaginninnermut inatsisinik aqtsineranik, matumani Meeqqat tapersorsorneqarnissaannut Inatsisartut inatsisaannik, Inuit innarluutillit tapersorsorneqarnissaannut Inatsisartut inatsisaannik, Utoqqarnik paaqqinniffit il.il. pillugit Inatsisartut peqqussutaannik kiisalu pisortat ingerlatsineranni suliat suliarineqartarnerat pillugu inatsimmi aamma pisortat ingerlatsinerat pillugu inatsimmi malittarisassanik pingaarnertut nakkutilliisuussaaq.

§ 2. Pingaarnertut nakkutilliinermi § 1 malillugu pineqassapput:

- 1) § 3 malillugu inatsisit,
- 2) § 4 malillugu aningasaqarneq, aamma
- 3) § 3 malillugu isumaginninnermi suliassat suliarineqarnerisa pitsaassusiat.

Imm. 2. Pingaarnertut nakkutilliineq makkuninnga imaqassaaq:

- 1) suliassanik assigiinngiaartunik misissuineq,
- 2) inunniq ilisimaarinnittunik oqaloqateqarnerit, aamma
- 3) ingerlatsiviup aaqqissuussaaneranik misissuineq.

§ 3. § 2-mi, imm. 1-imi, nr. 1 aamma 3 malillugit inatsisinik isumaginninnermilu suliassanik

nakkutilliinermut ilaassapput ingerlatsiviup:

- 1) maleruagassanik allassimasunik periaasiulersimasunillu malinninnera,
- 2) nassuaasarnera missiliuisarneralu,
- 3) suliamut paasissutissiinera, suliamik suliarinninnera naammagittaalliuutinillu suliaqarnera
- 4) piginnaasatigut tutsuiginassutsikkullu ajornartorsiutinik suliarineqarnera, aamma
- 5) imminut nakkutilliivigisarnera aamma aqtsinikkut nakkutilliimera.

§ 4. Kommunip aningaasaqarnermik ingerlatsinera isumannaatsuunersoq isumaginninnermilu suliassaqarfiup iluani inatsisinik tunngavilersorneqarnersoq § 2, imm. 1, nr. 2 malillugu aningaasaqarnermik nakkutilliinerup nalilissavaa.

§ 5. § 1 malillugu Nakkutilliinermik ingerlatsivik kommunini ataasiakkaani minnerpaamik ukiumut ataasiarluni pingaarnertut nakkutilliinermik ingerlatsisassaaq.

Imm. 2. Nakkutilliinermik ingerlatsiviup nakkutilliinerminut atatillugu ukiut sisamakkaarlugit kommuninut qinigaaffiup iluani illoqarfiit tamarmiusut nakkutilliartorfigisimassavaa.

Imm. 3. Nakkutilliinermik ingerlatsiviup nakkutilliinerminut atatillugu imm. 2-mi piffissap pineqartup iluani nammineq naliliinini malillugu nunaqarfiit assigiinngitsut nakkutilliartorfigisimassavai.

§ 6. § 1 malillugu pingaarnertut nakkutilliinissaq sapaatit akunneri marluk sioqqullugit communalbestyrelsimit kalerriutigineqassaaq.

Nakkutilliinermiit nalunaarusiaq

§ 7. § 1 malillugu Nakkutilliinermik ingerlatsivik pingaarnertut nakkutilliinerminit nalunaarusiamik suliaqartassaaq.

Imm. 2. §§ 3-mi aamma 4-mi pissutsit tulleriaarneqarsimasut misissuiffigineqarnerannik aamma isummerfigineqarnerannik nakkutilliisimanermit nalunaarusiaq imaqqassaaq.

§ 8. § 7 malillugu inaarutaasumik nakkutilliinermiit nalunaarusiap suliarineqariarluni communalbestyrelsimit nassiuunneqannginnerani nakkutilliinermiit nalunaarusiaq minnerpaamik ulluni 14-ini communalbestyrelsimit tusarniaassutigineqassaaq.

Imm. 2. Nakkutilliinermiit nalunaarusiaq kingusinnerpaamik ullormi nakkutilliiffiusimasumit qaammatit pingasut qaangiunnerisa kingorna naammassillugu suliarineqareersimassaaq.

Imm. 3. Immikkut ittumik pisoqartillugu imm. 1-imi aamma 2-mi piffissaliussat avaqqunneqarsinnaapput.

Imm. 4. Nakkutilliinermit nalunaarusiaq Naalakkersuisut nittartagaatigut tamanut nalunaarutigineqassaaq.

Imm. 5. Nakkutilliinermit inaarutaasumik nalunaarusiapi kommunalbestyrelsimit nassiunneqarneraniit qaammatit marluk qaangiunnerini kommunalbestyrelse pissutsit nakkutilliinermit nalunaarusiam uparuaassutigineqartut iluarsiiffingiarlugit kommunalbestyrelse qanoq iliorniarnini pillugu Nakkutilliinermik ingerlatsivimmit allakkatigut nalunaarusiortoqassaaq.

Kapitali 2

Kommunini meeqyanik nalinginnaasumik inummut sammititamik nakkutilliineq

§ 9. Meeqqat kommunimi atugaannik ingerlaavartumik nakkutilliinissaminut kommunalbestyrelse pisussaaffeqarpoq. Meeraq imaluunniit meeqqat eqimattat 18-it inorlugit ukiullit immikkut ikiorserneqarnissaminnik pisariaqartitsisinnaasut, kommunalbestyrelsimit ilisimaneqalernissaat anguniarlugu, kommunalbestyrelse sapingnisamik siusissukkut nakkutiginnittassaaq.

Imm. 2. Kommunalbestyrelse imm. 1 malillugu nakkutilliineq naammassiniarlugu kommunip nunaqarfianut tamarmiusunut ukiut tamaasa nakkutilliinermik ingerlatsisassaaq.

Kapitali 3

Meeqyanik angerlarsimaffiup avataanut inissinneqarsimasunik inummut sammititamik nakkutilliineq

§ 10. Kommunalbestyrelse inissiisoq meeqqap inissinneqarsimasup inissinneqarfiani ukiumut marloriarluni inummut sammititamik nakkutilliisassaaq.

Imm. 2. Meeraq kommunimut allamut inissinneqarsimappat, kommunalbestyrelse inissiisuusoq kommunimilu inissiiffiusumi kommunalbestyrelse, kommunalbestyrelse inissiisoq sinnerlugu inissiiffimmi kommunalbestyrelse nakkutilliinermik ingerlatsinissa pillugu isumaqatigiissuteqarsinnaapput.

Imm. 3. Imm. 2 malillugu inummut sammititamik nakkutilliinissamik isumaqatigiissuteqartoqarsimappat nalunaarummi matuman i alajangersakkat malillugit nakkutilliinissaq communalbestyrelsip inissiisup akisussaaffigissavaa.

§ 11. Meeqqamut tunngatillugu iliuusissanut pilersaarutip inissiiviusumi malinnejarnissa aamma meeqqap pisariaqartai eqqarsaatigalugit ikorsiinerup naammattuunissa siunertamullu naapertuuttuunissa § 10 malillugu inummut sammititamik ingerlaavartumik nakkutilliinikkut qulakkeerneqassaaq, matuman i lanngullugit:

- 1) meeqqap inissinneqarfisamini sumiginnarneqannginnissa imaluunniit innarlerneqannginnissa,
- 2) meeraq taassumalu angajoqqaavi pisinnaatitaaffimmink ilisimatinneqarnissaat, aamma

3) naammagittaalliuutaasinnaasut, meeqqapakuuffigisaasa inernerimeeqqamut, angajoqqaatut oqartussaasunut kiisalu meeqqap sullissisuanut tunniunneqarnissaat.

Imm. 2. Meeqqat tapersorsorneqarnissaannut Inatsisartut inatsisaanni § 30-mi, imm. 2-mi nr. 2 malillugu meeraq ulloq unnuarlu paaqqinnittarfimmuit inissinneqarsimappat, nakkutilliinerup aamma qulakkiissavai:

- 1) iliuusissanut pilersaarummi siunertarineqartoq anguniagaasorlu ulloq unnuarlu paaqqinniffiup katsorsaanissamik pilersaarutaani naammassineqassasut,
- 2) meeqqap inissinneqarsimasup pisariaqartitai ulloq unnuarlu paaqqinniffiup perorsaariaasiatigut ikorfartorneqassasut,
- 3) ulloq unnuarlu paaqqinniffik killifimmik nalunaarusiornermigut aamma katsorsaanissamik pilersaarumminik nutarterisarnermigut ingerlaavartumik nalunaaruteqartassasoq, aamma
- 4) pissaanermik atuisimannerit malitseqartinneqartassasut pissaanermillu atuisimaneq pillugu nalunaarutit tunngavigalugit meeraq ulloq unnuarlu paaqqinniffimmi eqqortumik ikorfartorneqarnersoq naliliiffigineqartassasoq.

§ 12. § 10 malillugu inummut sammititamik nakkutilliinermut atatillugu meeraq kommunalbestyrelsimit oqaloqatigineqartassaaq.

Imm. 2. Meeqqamik oqaloqateqarneq inunnit inissiivimmeersunit najuuffigineqanngitsumik ajornangippat ingerlanneqassaaq, apeqqutaatinnagu meeraq ilaqtariinni paarsisartuni imaluunniit ulloq unnuarlu paaqqinniffimmi inissinneqarsimanersoq.

Imm. 3. Meeraq oqaloqatigiinnermi allanik illersuisoqarsinnaavoq. Tamanna pillugu kommunalbestyrelsip meeraq ilisimatissavaa. Meeqqap nammineq aalajangiisinnaatitaamini malillugu ilagisinnaavaa:

- 1) meeqqanik illersuisoq isumaginninnermik ilisimasalik, imaluunniit
- 2) oqaloqateqarnermi inuk alla ilagisinnaavaa.

Imm. 4. Imm. 3-mi. nr. 2 malillugu meeraq oqaloqateqarnissamut inummik ilaqtariarp, meeqqallumianerineqarnissaanut tamanna naapertuutinngitsoq nalilerneqarp, inuk pineqartoq kommunalbestyrelsimit oqarfigineqarsinnaavoq oqaloqateqarnissamut peqataasinnaanngitsoq. Kommunalbestyrelse aalajangiippat inuk pineqartoq oqaloqateqarnissamut peqataasinnaanngitsoq, oqaloqatigiinnissaq aallartitsinnagu meeqqanik illersuisoq isumaginninnermik ilisimasalik kommunalbestyrelsimit aggersarneqassaaq. Meeraq pillugu iliuusissanut pilersaarummi aalajangiineq allaganngorlugu kommunalbestyrelsimit tunngavilersoneqassaaq.

Imm. 5. Meeqqap pisinnaaneqassusaa annikilleriarsimappat, oqaloqatigineqarnerminilu ikiorneqarnissamik pisariaqartitsippat, meeqqap isumaata tusarneqarnissaq qulakteerniarlugu tamanna kommunalbestyrelsimit immikkut eqqarsaatigineqassaaq aamma tassunga atatillugu periutsinik aamma ikiorsiissutsinik immikkut ittunik atuisinnaavoq.

Imm. 6. Meeqqamik oqaloqateqarnissaq immikkut pissuteqarluni pinngitsoortinneqarsinnaavoq, matumanimeeqqap inerissimassusaa pissutaappat imaluunniit meeqqap mianerineqarnissaq pissutigalugu oqaloqateqarnissaq naapertuutinngippat. Oqaloqateqarnissap pinngitsoortinneqarnera meeraq pillugu iliuusissanut pilersaarummi allaganngorlugu tunngavilersoneqassaaq.

§ 13. § 10 malillugu kommunalbestyrelse inummut sammititamik nakkutilliinerminut atatillugu piffimmi inissiiffiusumi pissutsinik ernumanartunik maluginiagaqarpat, oqartussaqarfimmum ingerlatsinerup tunngasutigut nakkutilliinissamik suliaqarnissaminut akisussaatitaasumut kiisalu kommunalbestyrelsinit inissiimasunut kommunalbestyrelse nalunaaruteqassaaq, meeraq imaluunniit meeqqat piffimmi inissiiffiusumiittut pissutsinik ernumanartunik sunnerneqarsinnaappata.

§ 14 Kommunalbestyrelsip meeraq ingerlaannartumik peersissavaa, meeqqap ilorrisimaarneranut, peqqissusaanut imaluunniit ineriarorneranut annertuumik innarliisinnaasumik pasitsaassisooqarsimappat uku pissutigalugit:

- 1) meeqqamik amigartumik isumassuineq isumaginninnerluunniit,
- 2) timikkut nakuuserfigineqarsimappat tarnikkulluunniit ikilertiessimappat, paarinerlunneqarpat imaluunniit kinguaassiutitigut innarlerneqarpat,
- 3) meeqqami imaluunniit meeqqap qanigisaani atornerluinermik ajornartorsiutit, pinerluttutut pissuseqarneq imaluunniit allatigut inuuniarnikkut annertuunik ajornartorsiuteqarneq, imaluunniit
- 4) meeqqap allatut pissusilersornerani naleqqussarniarneraniluunniit ajornartorsiutit.

Kapitali 4

Ilaqtariinnik paarsisartunik ingerlatsinermut sammititamik nakkutilliineq

§ 15. Kommunalbestyrelsip ilaqtariinnut paarsisartunut akuersisummik tunniussaqartup ilaqtariit paarsisartut ukiumut ataasiarluni aamma pisariaqartitsineq malillugu ingerlatsinermut sammititamik nakkutilliiffigisassavai. Ilaqtariit paarsisartut paarsisuunissamut aamma ilaqtariinnut paarsisartunut akuersissutini tunniunneqartuni piumasaqaatinik suli naammassinnissinnaandersut nakkutilliinikkut qulakkeerneqassaaq.

Imm. 2. Ilaqtariinnut paarsisartunut akuersissut piumasaqaatitaqartumik tunniunneqarsimappat piumasaqaatit eqqortinnejarnersut kommunalbestyrelsip nakkutilliinermini misissussavaa.

Imm. 3. Kommunalbestyrelsip ingerlatsinermut sammititamik nakkutilliinermini ilaqtariinni paarsisartuni pissutsit misissorlugillu ilaqtariit paarsisartut oqaloqatigissavai.

Imm. 4. Kommunalbestyrelsip ingerlatsinermut sammititamik nakkutilliinermini:

- 1) ilaqtariit paarsisartut nalunaaqqaarluni nakkutilliartorfigisassavai,
- 2) ilaqtariit paarsisartut paasissutissanik piniarfigisassavai, aamma
- 3) meeqqat ilaqtariinni paarsisartuni inissinneqarsimasut paasissutissanik piniarfigisassavai.

Imm. 5. Kommunalbestyrelsip imm. 4, nr. 1 malillugu nalunaaqqaarluni nakkutilliartortarnermi saniatigut ilaqtariit paarsisartut nalunaarfigeqqaarnagit aamma nakkutilliartorfigisinnaavai.

§ 16. § 15 malillugu ingerlatsinermut sammititamik nakkutilliineq ilaqtariinnik paarsisartunik

paarsinermilu suliassamik qanoq ingerlatsisarnermik assigiaartumik, aaqqissuussaasumik tunngavilersorluakkamillu nalilersuinissamut tunngavissiisumik ingerlanneqassaaq.

Imm. 2. Nakkutilliineq inunnit suliap ataqatigiinnissaanik paasinnissinnaasunit taamalu ilaqtariit paarsisartut unammillernartoqartitaannik ingerlariaqqinnissamullu periarfissaannik nalunaaruteqarsinnaasunit ingerlanneqassaaq.

Imm. 3. Siusinnerusukkut nakkutilliinermit nalunaarusiaasimasuni oqaaseqaatit, inassutigisimasat peqqussutillu aaqqissuussaasumik malitseqartinneqartarnissaat communalbestyrelsip nakkutilliinermut atatillugu qulakkiissavaa.

§ 17. Ilaqtariit paarsisartut communalbestyrelsimit § 15 malillugu nakkutilliisuusumit qinnuigineqarunik paassisutissat communalbestyrelsip ingerlatsinermut sammititamik nakkutilliinermini pisariaqartitai tunniutissavaat.

Imm. 2. Ilaqtariit paarsisartut paassisutissanik communalbestyrelsimit tunniussaapput ingerlatitseqqinneaq angajoqqaatut oqartussaassuseqartoq akuersisinngikkaluarlugu pisinnaavoq, ingerlatitseqqinneaq nakkutilliinissamut pisariaqartuusorineqarpat.

§ 18. § 15 malillugu communalbestyrelse ingerlatsinermut sammititamik nakkutilliinerminut atatillugu ilaqtariit paarsisartuni pissutsinik ernumanartunik maluginiagaqarpat, meeraq pissutsinik ernumanartunik sunnerneqarsinnaappat communalbestyrelsimit inissiisuusimasumut communalbestyrelse nalunaaruteqassaaq.

§ 19. Meeqqap ilorrisimaarneranut, peqqissusaanut imaluunniit ineriarneranut annertuumik innarliisinnaasumik pasitsaassisoqarsimappat uku pissutigalugit communalbestyrelsip meeraq ingerlaannartumik peersissavaa:

- 1) meeqqamik amigartumik isumassuineq isumaginninnerluunniit,
- 2) timikkut nakuuserfigineqarsimappat tarnikkulluunniit ikilertissimappat, paarinerlunneqarpat imaluunniit kinguaassiuititigut innarlerneqarpat,
- 3) meeqqami imaluunniit meeqqap qanigisaani atornerluinermik ajornartorsiutit, pinerluttutut pissuseqarneq imaluunniit allatigut inuuniarnikkut annertuunik ajornartorsiuteqarneq, imaluunniit
- 4) meeqqap allatigut pissusilersornerani naleqqussarniarneraniluunniit ajornartorsiutit.

Imm. 2. Kommunalbestyrelsip imm. 1 malillugu meeqqamik paarsisunit peersitsinermut atatillugu nammineerluni isummerfigissavaa inoqutigiinni meeqqat allat arlaatigut iliuuseqarfingineqassanersut, tassa meeqqat pineqartut ingerlaannartumik peerneqassanersut imaluunniit ilaqtariinni paarsisartuni najugaqartinneqaannassanersut.

Imm. 3. Kommunalbestyrelsip ingerlatsinermut sammititamik nakkutilliisuusup aamma utaqqiisaa communalbestyrelse inissiisuusoq sinnerlugu meeqqamik peersitsisup communalbestyrelse inissiisuusimasoq ingerlaannaq nalunaarfigissavaa. Matuma kingorna communalbestyrelse inissiisuusimasoq imm. 1 malillugu inaarutaasumik aalajangiissaaq.

§ 20. § 15 malillugu communalbestyrelsip pasitsaappagu ilaqtariit paarsisartut inoqutigiinniluunniit allat aanngajaarniutinik inerteqqutaasunik atuisusut communalbestyrelse ingerlatsinermut

sammititamik nakkutilliiartussaaq.

§ 21. § 15 malillugu ingerlatsinermut sammititamik nakkutilliinermut atatillugu kommunalbestyrelse aanngajaarniutinik inerteqqutasunik atuisoqarneranik pasitsaassaqaaruni inoqtigiinni ataaseq arlallilluunniit aanngajaarniutinik atuisuunersut paasiniarlugu misissorneqarnissaannik qinnuigisinggaavai.

Imm. 2. Imm. 1 malillugu aanngaajaarniutinik atuisuunermik misissusoqartinnagu, inuk aanngaajaarniutinik atuisuunermut misissuiffigineqartussaq kommunalbestyrelsimit allaganngorlugu akuersisinneqassaaq. Akuersissuteqarneq pinngitsaaliissutaassanngilaq erseqqissuussallunilu.

Imm. 3. Imm. 2 malillugu inuup inoqtigiinniittup aanngajaarniutinik atuisuunermik misissorneqarnissani akuersaarumanngippagu, § 23 malillugu kommunalbestyrelse nakkutilliinermik sakkortunerusumik ingerlatsisinnaavoq, imaluunniit Ilaqutariit paarsisartut pillugit Namminersorlutik Oqartussat nalunaarutaanni § 9 malillugu ilaqtariinnut paarsisartunut akuersissut atorunnaarsillugu.

Imm. 4. § 15 malillugu ingerlatsinermut sammititamik nakkutilliinermut atatillugu imaluunniit allatigut pasitsaassisooqarpat, ilaqtariit paarsisartut ilaat imaluunniit inoqtigiinni alla aanngaajaarniutinik inerteqqusaasunik atuisuusooq, kommunalbestyrelse ilaqtuaannik paarsisartunik ingerlatsinermut sammititamik nakkutilliisuusoq § 15 malillugu ingerlaannaq kommunalbestyrelsimit inissiisuusimasumut nalunaaruteqassaaq. Matuma kingorna § 10 malillugu kommunalbestyrelse inissiisuusimasooq pissutissaqanngitsumik kinguarsaanani inummut sammititamik nakkutilliinermik ingerlatsinissaminut pisussaaffeqarpoq.

§ 22. Kommunalbestyrelse ilaqtariit peqqissussaannik naliliinerminut atatillugu, Ilaqutariit paarsisartut pillugit Namminersorlutik Oqartussat nalunaarutaat § 5, imm. 2, nr. 10 malillugu, inoqtigiinni inuk ataaseq imaluunniit amerlanerusut peqqissutsimut upernarsaammik tunniesequllugit qinnuigisinggaavai. Peqqissutsimut upernarsaat qaammatit pingasut sinnerlugit pisoqaassuseqassanngilaq.

Annertusisamik nakkutilliineq

§ 23. Immikkut nassuiakkamik annertusisamik nakkutilliisoqarnissaa pisariaqartinneqartoq kommunalbestyrelsimit nalilerneqarpat kommunalbestyrelse annertusisamik nakkutilliisoqarnissaanik aalajangiisinggaavoq. Sivisussusissaa pissutsit ataasiakkaat aalajangersimasut suneri tunngavigalugit aalajangersarneqartassaaq, taamaattorli nakkutilliineq ataaseq sivisunerpaaamik qaammatinik pingasunik sivisussuseqartassaaq.

Imm. 2. Annertusisamik nakkutilliineq nalunaaqqaarluni nalunaaqqaaranilu ingerlanneqarsinggaavoq.

Imm. 3. Annertusisamik nakkutilliinissamut tunngaviusinnaapput:

- 1) nakkutilliinermut nalunaarusiaq ataaseq inerniliippat ilaqtariit paarsisartut ajornartorsiutaat immikkut ittut nalinginnaasulluunniit misissoqqinnejarnissaat pisariaqartoq,
- 2) ilaqtariit paarsisartut pillugit naammagittaalliuutigineqarpata,
- 3) kommunalbestyrelse nalinginnaasumik immikkulluunniit ittumik ilaqtariinni paarsisartuni

pissutsinik ernumanarsinnaasunik meeqqamut paaqqutarineqartumut tunngatillugu imaluunniit meeqqamut pineqartumut eqquisunik maluginiagaqarpat, imaluunniit

4) ilaqtariinni paarsisartuni pissutsit paaqqutaqarnissamut akuersissut imaluunniit ilaqtariittut paaqqutaqarnissamut akuersissut naapertorlugit ilaqtariittut paarsisuusinnaanermut piumasaqaatinik naammassinninnissamut qulartitsisut.

Imm. 4. Annertusisamik nakkutilliisoqarnissaanik taamaallaat aalajangiisoqarsinnaavoq pissutsit annertusisamik nakkutilliinissamik eqqarsaateqarnermut tunngaviusut pillugit ilaqtariit paarsisartut oqaloqatigineqareernerisigut. Pissutsilli immikkut ittut pisariaqartilerpassuk annertusisamik nakkutilliisoqarnissaa ingerlaannartumik aalajangerneqarsinnaavoq.

Imm. 5. Annertusisamik nakkutilliisoqarnissaanik taamaallaat aalajangiisoqarsinnaavoq ilaqtariit paarsisartut pissutsinik aalajangiinermut tunngaviusunik aaqqiisinnaanerat aaqqeerusunnerallu ilimanaateqarsorineqarpat. Ilaqtariit paarsisartut pillugit Namminersorlutik Oqartussat nalunaarutaanni § 9 malillugu ilaqtariit paarsisartut pissutsinik ernumanartunik aaqqiisinnaanerat aaqqeerusunnerallu naatsorsuutigineqanngippat ilaqtariinnut paarsisartunut akuersissutip atorunnaarsinneqarnissaa kommunalbestyrelsip aalajangissavaa.

Imm. 6. Kommunalbestyrelse annertusisamik nakkutilliisoqarnissaanik aalajangiisimappat kommunalbestyrelsit inissiisuusut kommunalbestyrelsimit ilisimatinneqassapput.

Nakkutilliinermit nalunaarusiaq

§ 24. Kommunalbestyrelse § 15 aamma § 23 naapertorlugit ingerlatsinermut sammititamik nakkutilliinerit tamaasa nakkutilliinermit nalunaarusiamik suliaqartassaaq.

Imm. 2. Nakkutilliisimanermiit nalunaarusiami tulliuttut ilisimasaat isumaallu kommunalbestyrelsimit ilanngunneqartassapput:

1) ilaqtariit paarsisartut, tassunga ilanngullugit nammineq meeqqat angerlarsimaffimmi najugaqartut inuillu allat inoqutigiinnut ilaasut, aamma

2) meeraq paaqqutarineqartoq meeqqamullu paaqqutarineqartumut angajoqqaatut oqartussaasut.

Imm. 3. Nakkutilliisimanermiit nalunaarusiami paassisutissat tulliuttut saqqummiunneqassapput:

1) Ulloq nakkutilliiffusoq.

2) Kina nakkutilliinermit ingerlatsisimanersoq.

3) Nakkutilliartornissaq nalunaarutigeqqaarneqarsimanersoq imaluunniit nalunaarutigeqqaarneqarsimannginnersoq.

4) Nakkutilliinermut tunngaviusoq.

5) Kommunalbestyrelse nakkutilliartortoqannginnerani paassisutissanik sunik piniarsimanersoq.

6) Kommunalbestyrelse nakkutilliinerminut atatillugu kikkunnik oqaloqateqarsimanersoq.

7) Ilaqtariit meeqqanik qassnik paaqqutaqarnersut kiisalu meeqqat qassnik ukioqarnersut meeqqallu tapersorsorneqarnissamik pisariaqartitaat.

8) Nakkutilliinermi maluginiarneqartut suuneri.

9) § 21 malillugu aanngajaarniutinik atuisuunermik misissuisoqarsimappat inernerri.

10) Ilaqtariit paarsisartut ilaqtariittut paarsisartutut akuersissummi piumasaqaatinik

malinninnerannik naliliineq.

11) Nakkutilliisoqarnerata, matumani aamma annertusisamik nakkutilliisoqarnissaanik aalajangiinerup, ilaqtariinnut paarisartunut akuersisummik atorunnaarsitsinissamik aalajangiinerup aamma paasissutissanik communalbestyrelsimumt communalbestyrelsinulluunniit meeqqap ilaqtariinnut paarsisartunut inissinneqarnissaanik aalajangiisimasunut ingerlatitseqqissimanerup malitsigisaannik qisuarialtasasut.

Imm. 4. Nakkutilliisimanermi nalunaarusiaq ilaqtariinnut paarsisartunut tusarniaassutigineqassaaq, tassani tusarniaanermut akissummik tunniussinissamut ulla 14-it piffissaritinneqarlutik.

Naammassillugu nakkutilliinermut nalunaarusiap assilineqarnera ilaqtariinnut paarisartunut nassiunneqassaaq.

Imm. 5. Immikkut ittumik pisoqartillugu imm. 4-mi piffissaliussaq avaqqunneqarsinnaavoq.

§ 25. § 24 malillugu communalbestyrelsip nakkutilliinermiit nalunaarusiamut ilangullugit allassinaavai:

- 1) paasisimasat ilisimatitsissutilu, aamma
- 2) pissutsit iluarsineqartariaqartut iliuuseqarfingeqartariaqartullu pillugit siunnersuutit.

Imm. 2. Imm. 1 malillugu oqaaseqaatit siunnersuutilluunniit ilaqtariit paarsisartut oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit inassuteqarnermut tunngaviusut qanoq pitsaanerulersinnaanerannut imaluunniit aaqqiiffigineqarsinnaanerannut ilitsersummik imaqassallutik.

Kapitali 5

Meeqqanut ulloq unnuarlu paaqqinnittarfinnik ingerlatsinermut sammititamik nakkutilliineq

§ 26. Nakkutilliinermik ingerlatsivik Meeqqat tapersorsorneqarnissaannut Inatsisartut inatsisaanni § 34-mi, imm. 1 malillugu meeqqanut ulloq unnuarlu paaqqinnittarfinni, matumani aamma meeqqanut ulloq unnuarlu paaqqinnittarfiit immikkoortortaanni isumannaallisakkani ingerlatsineq nakkutigissavaa. Ulloq unnuarlu paaqqinniffiup pitsaassusissamik attassiinnarnissaa akuersisummilu piumasaqaatinik naammassinnittujuarnissaa nakkutilliinerup qulakkiissavaa, kiisalu ulloq unnuarlu paaqqinniffiup Naalakkersuisullu akornanni ingerlatsinissamut tunngatillugu isumaqatigiissutaasa naammassineqarnissaa qulakkiissallugu.

Imm. 2. Nakkutilliinermik ingerlatsivik ingerlatsinermut sammititamik nakkutilliinermut atatillugu ulloq unnuarlu paaqqinniffimmi pissutsit misissorlugillu ulloq unnuarlu paaqqinniffimmi sulisunik oqaloqateqartassaaq.

Imm. 3. Nakkutilliinermik ingerlatsivik nakkutilliinermik suliassamik isumaginninnermini ulloq unnuarlu paaqqinnittarfimmur nalunaaqqaarluni nakkutilliartortassaaq, paasissutissanillu ulloq unnuarlu paaqqinniffimmit pissarsisassalluni.

Imm. 4. Nakkutilliinermik ingerlatsivik imm. 3 malillugu nalunaaqqaarluni nakkutilliartortarnerup

saniatigut aamma nalunaaqqaarani ulloq unnuarlu paaqqinnittarfimmut nakkutilliartorsinnaavoq.

Imm. 5. Imm. 1 malillugu nakkutilliineq toraagalimmik nakkutilliinertut ingerlanneqassaaq, tassani suliassaqarfiit toqqakkat taamaallaat ukkatarineqassallutik.

§ 27. § 26 malillugu ingerlatsinermut sammititamik nakkutilliineq ingerlanneqassaaq assigiimmik, aaqqissuussaasumik uppernarsaaserluakkamillu ulloq unnuarlu paaqqinniffiup tunniussassaanik inissatigullu atugassarititaanik, kiisalu ulloq unnuarlu paaqqittarifiup suliassamik isumaginnitarneranik nalilersuinissamut tunngavissiisumik.

Imm. 2. Nakkutilliineq ingerlanneqassaaq inunnit suliap, aaqqissuussaanerup aningaasaqarnerullu ataqtigiiinnissaannik paasinnissinnaasunit taamalu ulloq unnuarlu paaqqinniffiup unammillernartoqartitaanik ingerlariaqqinnissamullu periarfissaanik nalunaaruteqarsinnaasunit.

Imm. 3. Nakkutilliinermut atatillugu Nakkutilliinermik ingerlatsiviup ulloq unnuarlu paaqqinniffimmi aqutsisut, sulisut meeqqallu inissinneqarsimasut oqaloqatigalugit peqataatittassavai. Nakkutilliinermut atatillugu meeqqanut angajoqqaatut oqartussaassuseqartut aamma ulloq unnuarlu paaqqinniffiup suleqatigisai oqaloqatigalugit peqataatinneqassapput.

Imm. 4. Nakkutilliinermut atatillugu siusinnerusukkut nakkutilliinermik nalunaarusiaasimasuni oqaaseqaatit, inassutigisimasat peqqussutillu aaqqissuussaasumik malitseqartinneqartarnissaat Nakkutilliinermik ingerlatsivimmit qulakkeerneqassaaq.

§ 28. § 26 malillugu ingerlatsinermut sammititamik nakkutilliinerup makku imarissavai:

- 1) Meeqqat ilinniarnissamut sulinissamullu periarfissaat.
- 2) Meeqqat nammineersinnaalernissaminnut aamma ilaquattaminnut attaveqaatiminnullu atassuteqarnissaannut periarfissaat.
- 3) Ulloq unnuarlu paaqqinniffiup saaffigisai, matumani ulloq unnuarlu paaqqinniffiup sullinniakkaminut neqeroorutigisaata imarisai kiisalu meeqqat inuunerminnut sunniuteqaqataanerat.
- 4) Ulloq unnuarlu paaqqinniffiup periaasii angusaalu, matumani perorsaanikkut, tarnip pissusaanik ilisimatusarnikkut imaluunniit ilaqtariinnik katsorsaanikkut suleriaatsit.
- 5) Ulloq unnuarlu paaqqinniffimmi aaqqissuussaaneq aqutsisullu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi aningaasaqarneq, matumani kukkunersiusunit akuerineqarsimasumik naatsorsuuteqarnersoq.
- 8) Ulloq unnuarlu paaqqinniffimmi inissatigut atugassarititat, matumani sullinniakkat pisariaqartitaannut aamma ulloq unnuarlu paaqqinniffiup periaasaanut naapertuunnersut.

Imm. 2. Sammineqartut tamarmik arlalitsigut naapertuuttunik tunngavilorsorlugit itisilerneqassapput, ulloq unnuarlu paaqqinniffiup tamakkiisumik siumullu isigisumik aaqqissugaanik takutitsisumik.

§ 29. Ulloq unnuarlu paaqqinniffik ileqqoreqqusanik malinninersoq Nakkutilliinermik ingerlatsiviup misissussavaa.

§ 30. § 26 malillugu ulloq unnuarlu paaqqinniffimmi Nakkutilliinermik ingerlatsivik nakkutilliinermik ingerlatsinermut sammititamik nakkutilliinermini Nakkutilliinermik ingerlatsivik paasissutissanik pisariaqartitaminik qinnuiginnikkuni, ulloq unnuarlu paaqqinniffiup tunniutissavai.

Imm. 2. Nakkutilliinermut paasissutissanik ingerlatitseqqinnej eqpisariaqartuusorineqarpat, meeqqanut angajoqqaatut oqartussaassuseqartut akuersisinngikkaluarlugit, ulloq unnuarlu paaqqinniffimmiit paasissutissanik ingerlatitseqqinnej Nakkutilliinermik ingerlatsivimmum pisinnaavoq.

§ 31. Nakkutilliinermik ingerlatsivik ulloq unnuarlu paaqqinniffimmi pissutsinik ernumanartunik maluginiagaqarpat, Nakkutilliinermik ingerlatsivik isumaginninnermut aqtsisoqarfimmut aamma communalbestyrelsinut inissiisimasunut nalunaarfigjinnittassaqq, meeraq imaluunniit meeqqat pissutsinik ernumanartunik sunnerneqarsinnaappata.

§ 32. Nakkutilliinermik ingerlatsivik communalbestyrelsimum inissiisuusimasumut ingerlaannaq nalunaaruteqassaaq, meeqqap ilorrisimaarneranut, peqqissusaanut imaluunniit ineriarneranut annertuumik innarliisinnaasumik pasitsaassisooqarsimappat uku pissutigalugit:

- 1) meeqqamik amigartumik isumassuineq isumaginninnerluunniit,
- 2) timikkut nakuuserfigineqarsimappat tarnikkulluunniit ikilertissimappat, paarsinerluttoqarsimappat kinguaassiutitigulluunniit innarliisoqarsimappat,
- 3) meeqqap atornerluinermik ajornartorsiutaanik, pinerluttarneranik imaluunniit allatigut pissusilersornikkut naleqqussarniarnikkulluunniit ajornartorsiutaanik naammaginanngitsumik katsorsaaneq.

Imm. 2. Nakkutilliinermik ingerlatsiviup nakkutilliinermiit allatigulluunniit paasiguniuk meeqqap inissitap imm. 1-imi pissutsit pineqartut naammagittaalliuutigisimagai imaluunniit nalunaarutigisimagai Nakkutilliinermik ingerlatsiviup misissussavaa naammagittaalliuut imaluunniit nalunaarut malitseqartinneqarsimanersoq.

Peqquussut

§ 33. Nakkutilliinermik ingerlatsivik ulloq unnuarlu paaqqinnittarfimmut peqqussuteqarsinnaavoq. Peqqusinerup eqquutsinneqarnissaanut piffissaliussaq Nakkutilliinermik ingerlatsiviup aalajangersassavaa.

Imm. 2. Peqqussuteqarnissamik taamaallaat aalajangiisoqarsinnaavoq pissutsit peqqussuteqarnissamik eqqarsaateqarnermut tunngaviusut pillugit ulloq unnuarlu paaqqinniffimmi sulisut oqaloqtigineqareernerisigut. Pissutsilli immikkut ittut pisariaqartilerpassuk peqqussuteqarnissaq ingerlaannartumik aalajangerneqarsinnaavoq.

Imm. 3. Peqqussuteqarnissamik taamaallaat aalajangiisoqarsinnaavoq ulloq unnuarlu paaqqinniffiup pissutsinik aalajangiinermut tunngaviusunik aaqqiisinnanerat aaqqeerusunnerallu ilimanaateqarsorineqarpat.

Imm. 4. Imm. 1 malillugu peqqusummik eqquutsitsinissaq akuersissummik peqaannarnissamut

piumasaqaatinngortinnejarsinnaavoq.

Imm. 5. Ulloq unnuarlu paaqqinniffik imm. 1 malillugu peqqussummik eqquutsitsisinjaanngippat ulloq unnuarlu paaqqinnittarfimmut akuersissutip atorunnaarsinneqarnissaa naalakkersuisoqarfiup isumaginninnermut akisussaasuuusup ulloq unnuarlu paaqqinnittarfinnik pilersitsineq ingerlatsinerlu pillugit Namminersorlutik Oqartussat nalunaarutaat malillugu aalajangersinnaavaa.

Imm. 6. Nakkutilliinermik ingerlatsivik peqqusippat, imm. 4 malillugu piumasaqaatinngortinnejarsimasumik Nakkutilliinermik ingerlatsivik communalbestyrelsit inissiisuuusut tamatumannga ilisimatinneqassapput.

Annertusisamik nakkutilliineq

§ 34. Immikkut nassuiakkamik annertusisamik nakkutilliisoqarnissaa pisariaqartinneqartoq communalbestyrelsimit nalilerneqarpat Kommunalbestyrelse annertusisamik nakkutilliisoqarnissaanik aalajangiisinjaavoq. Sivisussusissaa pissutsit ataasiakkaat aalajangersimasut suuneri tunngavigalugit aalajangersarneqartassaaq, taamaattorli nakkutilliineq ataaseq sivisunerpaamik qaammatinik pingasunik sivisussuseqartassaaq.

Imm. 2. Annertusisamik nakkutilliineq nalunaaqqaarluni nalunaaqqaaranilu ingerlannejarsinnaavoq.

Imm. 3. Annertusisamik nakkutilliinissamut tunngaviusinnaapput:

- 1) nakkutilliinermiit nalunaarusiaq ataaseq inerniliippat ulloq unnuarlu paaqqinnittarfiit ataasiakkaat ajornartorsiutaat immikkut ittut nalinginnaasulluunniit misissoqqinnejarnissaat pisariaqartoq,
- 2) ulloq unnuarlu paaqqinniffiup naammagittaalliuutigineqarsimanera,
- 3) ulloq unnuarlu paaqqinniffimmi Nakkutilliinermik ingerlatsivimmit maluginiakkat nalinginnaasut imaluunniit immikkut ittut, imaluunniit
- 4) ataatsimut naliliineq malillugu ulloq unnuarlu paaqqinniffik pisariaqartinneqartumik pitsaassuseerussimasoq.

Imm. 4. Annertusisamik nakkutilliisoqarnissaanik taamaallaat aalajangiisoqarsinnaavoq pissutsit annertusisamik nakkutilliinissamik eqqarsaateqarnermut tunngaviusut pillugit ulloq unnuarlu paaqqinniffimmi sulisut oqaloqtigineqareernerisigut. Pissutsilli immikkut ittut pisariaqartilerpassuk annertusisamik nakkutilliisoqarnissaa ingerlaannartumik aalajangerneqarsinnaavoq.

Imm. 5. Annertusisamik nakkutilliisoqarnissaanik taamaallaat aalajangiisoqarsinnaavoq ulloq unnuarlu paaqqinniffiup pissutsinik aalajangiinermut tunngaviusunik aaqqiisinnaanera aaqqeerasunneral u ilimanaateqarsorineqarpat. Ulloq unnuarlu paaqqinniffiup pissutsinik ernumanartunik aaqqiisinnaanera imaluunniit aaqqeerasunnera ilimagineqanngippat, ulloq unnuarlu paaqqinnittarfimmut akuersissutip atorunnaarsinneqarnissaa naalakkersuisoqarfiup isumaginninnermut akisussaasuuusup Meeqyanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat malillugu aalajangersinnaavaa.

Imm. 6. Nakkutilliinermik ingerlatsivik annertusisamik nakkutilliisoqarnissaanik aalajangiippat, communalbestyrelsit inissiisuuusut Nakkutilliinermik ingerlatsivimmit ilisimatinneqassapput.

§ 35. Nakkutilliinermik ingerlatsivik §§ 26 aamma 34 malillugit ulloq unnuarlu paaqqinniffimi ingerlatsinermut sammititamik nakkutilliinermik tamanit nalunaarusiortassaaq.

Imm. 2. Nakkutilliisimanermik nalunaarusiam i paasissutissat tulliuttut saqqummiunneqassapput:

- 1) Ulloq nakkutilliiffiusoq.
- 2) Kina nakkutilliinermik ingerlatsisimanersoq.
- 3) Nakkutilliartornissaq nalunaarutigeqqaarneqarsimanersoq imaluunniit nalunaarutigeqgarneqarsimannginnersoq.
- 4) Nalinginnaasumik imaluunniit annertusisamik nakkutilliineq pineqarnersoq.
- 5) Nakkutilliinermik ingerlatsiviup nakkutilliartortoqannginnerani paasissutissanik sunik piniarsimanersoq.
- 6) Nakkutilliinermik ingerlatsivik nakkutilliinerminut atatillugu kikkunnik oqaloqateqarsimanersoq.
- 7) Meeqqat qassit inissat eqqarsaatigalugit ulloq unnuarlu paaqqinniffimi inissinneqarnissamut allatsinnikuunersut kiisalu meeqqat qassiniuk ukioqarnersut meeqqallu tapersorsorneqarnissamik pisariaqartitaat.
- 8) Ukiumi kingullermi pissaanermik atuinerit qassiusimanersut.
- 9) Nakkutilliinermi maluginiarneqartut suuneri.
- 10) Ulloq unnuarlu paaqqinniffiuup meeqqanik paaqqinniffimiittutigineqartutut nalunaarneqarsimasunik katsorsaanissamik isumassuinissamillu suliassaminik isumaginninnissamut piumasaqaatinik malinninneranik naliliineq.
- 11) Ulloq unnuarlu paaqqinnittarfimmut akuersisummi piumasaqaatit ulloq unnuarlu paaqqinniffimmit suli malinnejarnersut pillugu naliliineq.
- 12) Nakkutilliisoqarsimanerata kingunerisaanik akuersisummik atorunnaarsitsinissamik peqqusinerup aamma paasissutissanik kommunalbestyrelsimit kommunalbestyrelsinulluunniit inissiisimasunut ingerlatitseqqissimanerup malitsigisaannik qisuarialtasimasut, matumani annertusisamik nakkutilliisoqarnissaanik aalajangiineq.

Imm. 3. § 26, imm. 5 malillugu toraagalimmik nakkutilliinermi nakkutilliinermik nalunaarusiaq suliassaqarfitt toqqakkat ukkatarineqartut pillugit paasissutissanik taamaallaat imaqqassaaq.

§ 36. § 35 malillugu inaarutaasumik nakkutilliinermik nalunaarusiap suliarineqariarluni ulloq unnuarlu paaqqinnittarfimmut nassiunneqannginnerani nakkutilliinermik nalunaarusiaq minnerpaamik ulluni 14-ini ulloq unnuarlu paaqqinnittarfimmut kiisalu oqartussaqarfimmut ulloq unnuarlu paaqqinniffimmik ingerlatsisumut tusarniaassutigineqassaaq.

Imm. 2. Nakkutilliinermik nalunaarusiaq naammassillugu kingusinnerpaamik ullormi nakkutilliiffiusimasumit qaammatit pingasut qaangiunnerisa kingornatigut suliarineqareersimassaaq.

Imm. 3. Immikkut ittumik pisoqartillugu imm. 1-imi aamma 2-mi piffissaliussat avaqqunneqarsinnaapput.

Imm. 4. Nakkutilliisimanermik nalunaarusiaq isumaginninnermut aqutsisoqarfimmut kiisalu kommunalbestyrelsinit meeqqanik ulloq unnuarlu paaqqinnittarfimmut inissiisimasunut

ilisimatitsissutitut nassiunneqassaaq.

Imm. 5. Nakkutilliinermit nalunaarusiaq Naalakkersuisut nittartagaatigut kiisalu ulloq unnuarlu paaqqinniffiup nittartagaatigut avammut nalunaarutigineqassaaq.

§ 37. Nakkutilliinermik ingerlatsiviup § 35 malillugu nakkutilliinermit nalunaarusiam allassinnaavaa:

- 1) paasisimasat ilisimatitsissutilu, aamma
- 2) pissutsit iluarsineqartariaqartut qisuararfingeqartariaqartullu pillugit inassutigisat

Imm. 2. Imm. 1 malillugu oqaaseqaatit imaluunniit inassutigisat ulloq unnuarlu paaqqinniffiup oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit inassuteqarnermut tunngaviusut qanoq pitsaanerulersinnaanerannut imaluunniit aaqqiiffingeqarsinnaanerannut ilitsersummik imaqassallutik.

§ 38. § 35 malillugu Nakkutilliinermik ingerlatsivik nakkutilliinermit nalunaarusiam ulloq unnuarlu paaqqinnittarfimmut inassutiginnissinnaavoq imaluunniit peqqusisinnaavoq pissutsit inassuteqarnermut imaluunniit peqqussuteqarnermut tunngaviusut qanoq aaqqiivigissallugit naatsorsuutigisat allaganngorlugit pilersaarummik suliaqarfingissagai, matumani piffissamik killiliussisassaaq.

Kapitali 6

Inunnut innarluutilinnut najugaqarfissatut neqeroorutini najugaqartunut inummut sammititamik nakkutilliineq

§ 39. Inuup innarluutilip najugaqarfisaani kommunimi angerlarsimaffigisami communalbestyrelse najugaqarfissatut neqeroorummi ukiumut marloriarluni inummut sammititamik nakkutilliisassaaq.

Imm. 2. Inuk innarluutilik kommunimut allamut inissinneqarsimappat, communalbestyrelse inissiisoq sinnerlugu taanna nakkutilliinermik ingerlatsisarnissa pillugu, communalbestyrelse inissiuusoq kommunimilu inissiifflusumi communalbestyrelse isumaqtigisusiorfigisinnaavaa.

Imm. 3. Imm. 2 malillugu inummut sammititamik nakkutilliinissamik isumaqtigisusuteqartoqarsimappat nalunaarummi matumani aalajangersakkat malillugit nakkutilliinissaq communalbestyrelsip inissiisup suli akisussaaffigissavaa.

§ 40. § 39 malillugu inummut sammititamik nakkutilliineq inuk innarluutilik pillugu iliuusissanut pilersaarutaataa najugaqarfissatut neqeroorummit malinneqassasoq aamma tapersersuineq naammassasoq kiisalu inuup pisariaqartitai eqqarsaatigalugit naleqquttuussasoq pillugit ingerlaavartumik qulakkeerinntoqassaaq, matumani makku ilanngullugit:

- 1) inuup innarluutilip najugaqarfissatut neqeroorummi sumiginnarneqannginnissaa imaluunniit

- innarlerneqannginnissaa,
- 2) inuup taassumalu angajoqqaatut sinniisoqaruni sinniisorisaata imaluunniit angajoqqaatut oqartussaasuisa pisinnaatitaaffimminnik ilisimatinneqarsimanissaat,
 - 3) suliat pillugit naammagittaalliorraqsimatillugu angusat, inuup peqataaffigisaani, inummut taassumalu angajoqqaatut sinniisoqaruni sinniisorisaata imaluunniit angajoqqaatut oqartussaasuisa kiisalu inuup sullisisuanut anngunneqarnissaat,
 - 4) iliuusissanut pilersaarummi anguniakkat najugaqarfissatut neqeroorummuit innissinneqarnissami naammassineqarsinnaassasut,
 - 5) najugaqarfissatut neqeroorummui periaatsit inummut naleqquttuussasut aamma
 - 6) pissaanermik atuisimaneqat malitseqartinneqartassasut pissaanermillu atuisimaneq pillugu nalunaarutit tunngavigalugit inuk innarluutilik ulloq unnuarlu paaqqinniffimmi eqqortumik tapersorsorneqarnersoq naliliiffigineqartassasoq.

Imm. 2. Inuit innarluutillit tapersorsorneqarnissaat pillugu Inatsisartut inatsisaanni § 48 malillugu inuk ulloq unnuarlu paaqqinniffimmi najugaqarpal, nakkutilliinerup makku aamma qulakkiissavai:

- 1) ulloq unnuarlu paaqqinniffimmit killifimmik nalunaarutit aamma katsorsaanissamik pilersaarutinik nutarterinerit aqqutigalugit ingerlaavartumik nalunaaruteqartoqartassasoq, aamma
- 2) inuup inuttut ineriarornera, ilorrisimaarnera peqqissusialu iliuusissanut aamma ineriarortinneqarnissamik pilersaarutini suliarineqarsimasuni malinneqassasut.

§ 41. § 39 malillugu inummut sammititamik nakkutilliinermut atatillugu inuk innarluutilik kommunalbestyrelsimit oqaloqatigineqartassaaq.

Imm. 2. Imm. 1 malillugu kommunalbestyrelsip oqaloqatiginninnermini inuup innarluuteqarnera mianerissavaa aammal oqaloqateqarneq inuup innarluutilip piumasai tunngavigalugit ingerlatissallugu.

Imm. 3. Imm. 1 malillugu Kommunalbestyrelse oqaloqatiginninnermini Inuit innarluutillit tapersorsorneqarnissaat pillugu Inatsisartut inatsisaanni § 24 malillugu inuk isumaginninnermi sulianik ilisimasalimmik illersuisoqarnissaanik neqeroorfigissavaa.

Imm. 4. Inuk innarluutilik 18-it inorlugit ukioqarpal imaluunniit nammineersinnaajunnaarsitaasimappat imm. 1 malillugu oqaloqatigineqarnera, inuk innarluutilik, taassumalu angajoqqaatut akisussaasui imaluunniit angajoqqaatut sinniisoqarsimaguni sinniisia, peqataatillugit ingerlanneqassaaq. Taamaattoq inummut innarluutilimmut mianerisassat tamanna pisariaqartippassuk, angajoqqaatut oqartussaasut imaluunniit angajoqqaatut sinniisuusoq akuersitinnagu imaluunniit najuutsinnagu oqaloqateqarneq ingerlanneqarsinnaavoq. Angajoqqaatut akisussaasut imaluunniit angajoqqaatut sinniisoq akuersiteeqaarnagit peqataatinnagilluunniit oqaloqateqarneq ingerlanneqassappat, taava § 24 malillugu illersuisumik toqqaasoqassaaq ilaasoqarlunilu.

Imm. 5. Inuup inerisimanera piginnaasaqarneralu imaluunniit suliap suussusaa eqqarsaatigalugit oqaloqateqarnerup ingerlanneqarnissaa aalajangiisuuusumik naleqqutinngippat, imm. 1 malillugu oqaloqateqarneq ingerlanneqassanngitsoq kommunalbestyrelsip aalajangersinnaavaa. Oqaloqateqarneq ingerlanneqarsinnaanngippat, inuup innarluutilip aalajangiinissatut eqqarsaatigineqartumut isumaa allatut pissarsiariniarneqassaaq. Oqaloqateqarneq pisimanngippat, inuup iliuusissanut pilersaarutaani tamanna pissutaasorlu pillugit allattoqassaaq.

§ 42. § 39 malillugu kommunalbestyrelse inummut sammititamik nakkutilliinerminut atatillugu najugaqarfissatut neqeroorummi pissutsinik ernumanartunik maluginiagaqarpat, inuillu innarluutillit najugaqarfissatut neqeroorummiittut pissutsinik ernumanartunik sunnerneqarsinnaappata, oqartussaasoqarfimmut ingerlatsineq pillugu nakkutilliisussaatitaasumut kiisalu kommunalbestyrelsintut inissiisimasunut kommunalbestyrelse nalunaaruteqassaaq.

§ 43. § 39 malillugu kommunalbestyrelse ingerlatsinermut sammititamik nakkutilliinerit tamaasa naammassigaangamigit nakkutilliinermit nalunaarusiamik suliaqartassaaq.

Imm. 2. Nakkutilliisimanermiit nalunaarusiamit paasissutissat tulliuttut saqqummiunneqassapput:

- 1) Ulloq nakkutilliiffiusoq.
- 2) Kina nakkutilliinermik ingerlatsisimanersoq.
- 3) Nakkutilliartortoqannginnerani kommunalbestyrelse paasissutissanik sunik piniarsimanersoq.
- 4) Kommunalbestyrelsip nakkutilliinerminut atatillugu kikkunnik oqaloqateqarsimanersoq.
- 5) Nakkutilliinermi maluginiarneqartut.
- 6) Najugaqarfissatut neqeroorummi inuup pisariaqartitaanik ineriertornissamullu periarfissaanik isumaginninnernik nalilersuinerit.
- 7) Nakkutilliinerup malitsigisaanik qisuarialtaasinnaasut, matumani kommunimut angerlarsimaffiusumut paasissutissanik ingerlatitseqqinnerit ilanggullugit.

Imm. 3. § 41, imm. 5 malillugu kommunalbestyrelse inummik oqaloqateqarsimannngippat oqaloqatiginnissimannnginnermut peqquataasoq nakkutilliineq pillugu nalunaarusiamit allanneqassaaq.

Kapitali 7

Najugaqaqtigiiifinnik najugaqarfinnillu illersugaasunik ingerlatsinermut sammititamik nakkutilliineq

§ 44. Kommunalbestyrelse ukiumut ataasiarluni aamma pisariaqartitsineq naapertorlugu najugaqaqtigiiifinnik najugaqarfinnillu illersugaasunik kommunalbestyrelsimit pilersinneqarsimasunik ingerlanneqartunillu ingerlatsinermut sammititamik nakkutilliisassaaq. Nakkutilliinikkut najugaqarfissatut neqeroorut suli pisariaqartinneqartumik pitsaassuseqarnersut qulakkeerneqassaaq.

Imm. 2. Kommunalbestyrelsip nakkutilliinermut atatillugu najugaqarfissatut neqeroorummi pissutsit misissorlugillu najugaqarfissatut neqeroorut oqaloqatigissavaa.

Imm. 3. Kommunalbestyrelsip nakkutilliinermini:

- 1) najugaqarfissatut neqeroorut nalunaaqqaarluni nakkutilliartorfigisassavaa,
- 2) najugaqarfissatut neqeroorut paasissutissanik piniarfigisassavaa, aamma
- 3) inunnit najugaqarfissatut neqeroorummi najugaqartunit paasissutissanik pissarsiniassaaq.

Imm. 4. Kommunalbestyrelsip imm. 3 nr. 1 malillugu nalunaaqqaarluni nakkutilliartortarnermi saniatigut taamatuttaaq najugaqarfissatut neqeroorut nalunaaqqaarnani nakkutilliartorfigisinnaavaa.

§ 45. § 44 malillugu ingerlatsinermut sammititamik nakkutiliineq ima ingerlanneqassaaq, taamaalilluni assigiissumik, ataqtigiiqasillugu aaqqissuussaasumik upernarsaaserluakkamillu najugaqarfissatut neqeroorutip tunniussassaanik inissatigullu atugassarititaanik, kiisalu najugaqarfissatut neqeroorutip suliassaminik isumaginnitarneranik, nalilersuinissamut tunngavissiissalluni.

Imm. 2. Inunnit suliap, aaqqissuussaanerup aningaasaqarnerullu ataqtigiiinnissaannik paasinnissinnaasunit, taamalu najugaqarfissatut neqeroorutip unammillernartoqartitaanik ingerlariaqqinnissamullu periarfissaanik nalunaaruteqarsinnaasunit nakkutiliineq ingerlanneqassaaq.

Imm. 3. Nakkutiliinermi communalbestyrelsip nakkutiliinerminut atatillugu oqaloqatiginninnermigut najugaqarfissatut neqeroorummi aqutsisut, sulisut inuillu najugaqartut peqataatissavai. Najugaqartut angajoqqaatut sinniisoqarpata, sinniisut aamma angajoqqaatut oqartussaasut, qanigisaasut allat imaluunniit suleqatigineqartut nakkutiliinermut atatillugu oqaloqatiginninnerni peqataatinneqarsinnaapput.

Imm. 4. Siusinnerusukkut nakkutiliinermit nalunaarusiaasimasuni oqaaseqaatit, inassutigisimasat peqqussutillu aaqqissuussaasumik malitseqartinneqartarnissaat communalbestyrelsip nakkutiliinermut atatillugu qulakkiissavaa.

§ 46. § 44 malillugu ingerlatsinermut sammititamik nakkutiliinerup makku imarissavai:

- 1) Najugaqartut ilinniagaqarnissamik, sulilernissamik sammisassaqarnissamilluunniit periarfissaat.
 - 2) Najugaqartut ineriartornissaminnut, periarfissaminnik atorluaanissaminnut tamatumunakkullu sapinngisaq tamaat nammineersinnaanissaat periarfissinneqassalluni.
 - 3) Najugaqarfissatut neqeroorutip sullinniagai, matumani najugaqarfissatut neqeroorutip najugaqatigiffimmi sullinniakkanut neqeroorutai aamma najugaqartut namminneq inuunermillu sunniuteqarsinnaanerat ilanngullugit.
najugaqartut namminneq inuunerminnut sunniuteqarsinnaanerat.
 - 4) Najugaqarfissatut neqeroorummi periaatsit angusallu, matumani perorsaanermi, tarnimut sunniisinnaasunut tunngasut pillugit imaluunniit tarnikkut napparsimanermi nakorsarneqarnermi sulisaatsit ilanngullugit.
 - 5) Najugaqarfissatut neqeroorutimmi aaqqissuussaaneq aqutsinerlu.
 - 6) Najugaqarfissatut neqeroorummi sulisoqarnikkut piginnaasat.
 - 7) Najugaqarfissatut neqeroorummi init, matumani sullinniakkat pisariaqartitaannik tunngavissiinersut aamma najugaqarfissatut neqeroorummi periaatsit ilanngullugit
- Imm. 2.* Sammineqartut tamarmik arlalitsigut naapertuuttunik tunngavilersonlugit itisilerneqassapput, najugaqarfissatut neqeroorutip tamakkiisumik siumullu isigisumik aaqqissugaanik takutitsisumik.

§ 47. Najugaqarfissatut neqeroorutip ileqqoreqqusamini piumasaqaatit naammassisimaneraa communalbestyrelsip misissussavai.

§ 48. § 44 malillugu kommunalbestyrelsip ingerlatsinermut sammititamik nakkutilliinissaminut paasissutissat pisariaqartitai pillugit najugaqarfissatut neqeroorut qinnuigineqarunik, paasissutissat kommunalbestyrelsimit tunniutissavai.

Imm. 2. Najugaqarfissatut neqeroorummit paasissutissanik communalbestyrelsimit ingerlatitseqqinnejnq nakkutilliinissamut pisariaqartuusorineqarpat, najugaqartut imaluunniit taakku angajoqqaatut sinniisoqarsimagunik sinniisui imaluunniit angajoqqaatut oqartussaassuseqartut akuersisinngikkaluarlugit pisinnaavoq.

§ 49. § 44 malillugu kommunalbestyrelse ingerlatsinermut sammititamik nakkutilliinerminut atatillugu najugaqarfissatut neqeroorummi ernumanartunik maluginiagaqaruni, najugaqartoq pissutsinik ernumanartunik sunnerneqarsinnaappat, communalbestyrelsimit inissiisuuusimasumut kommunalbestyrelse nalunaaruteqassaaq.

Nakkutilliinermit nalunaarusiaq

§ 50. § 44 malillugu ingerlatsinermut sammititamik nakkutilliinerit tamaasa communalbestyrelse nakkutilliinermit nalunaarusiamik suliaqartassaaq.

Imm. 2. Nakkutilliinermit nalunaarusiami paasissutissat tulliuttut saqqummiunneqassapput:

- 1) Ulloq nakkutilliiffiusoq.
- 2) Kina nakkutilliinermik ingerlatsisimanersoq.
- 3) Nakkutilliineq nalunaaqqaarluni nalunaaqqaarnaniluunniit ingerlaneqarsimanersoq.
- 4) Nakkutilliartortoqannginnerani communalbestyrelse paasissutissanik sunik piniarsimanersoq.
- 5) Kommunalbestyrelse nakkutilliinerminut atatillugu kikkunnik oqaloqateqarsimanersoq.
- 6) Atorfinnut akuerisaasunut naleqqiullugu najugaqarfissatut neqeroorummi najugaqartut amerassusaat aamma najugaqartut tapersorsorneqarnissamik pisariaqartitaat.
- 7) Ukumi kingullermi pissaanermik atuinerit qassiusimanersut.
- 8) Nakkutilliinermi maluginiarneqartut.
- 9) Najugaqartut pisariaqartitaannik ineriarternissamullu periarfissaannik najugaqarfissatut neqeroorutip nalilersorneqarnera.
- 10) Nakkutilliinerup malitsigisaanik qisuardaataasinnaasut, matumani communalbestyrelsimit imaluunniit communalbestyrelsinit inissiisimasunut paasissutissanik ingerlatitseqqinnerit ilanngullugit.

Imm. 3. Nakkutilliinermit nalunaarusiaq najugaqarfissatut neqeroorummut tusarniaassutigineqassaaq, tassani tusarniaanermut akissummik tunniussinissamut ullut 14-it piffissaritinneqarlutik.

Naammassillugu nakkutilliinermit nalunaarusiap assilineqarnera najugaqarfissatut neqeroorummut nassiunneqassaaq.

Imm. 4. Immikkut ittumik pisoqartillugu imm. 3-mi piffissaliussaq avaqqunneqarsinnaavoq.

§ 51. § 50 malillugu kommunalbestyrelsip nakkutilliinermit nalunaarusiami ilanngullugit taassavai:

- 1) oqaaseqaatit paasisimasat ilisimatisissutillu, aamma
- 2) pissutsit iluarsineqartariaqartut iliuuseqarfingeqartariaqartullu pillugit innersuussutit.

Imm. 2. Imm. 1 malillugu oqaaseqaatit innersuussutiluunniit najugaqarfissatut neqeroorutip oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit innersuussinermut tunngaviusut qanoq pitsaanerulersinnaanerannut imaluunniit aaqqiiffingeqarsinnaanerannut ilitsersummik imaqassallutik.

Kapitali 8

Inunnut innarluutilinnut ulloq unnuarlu neqeroorutinik ingerlatsinermut sammititamik nakkutilliineq

§ 52. Inuit innarluutillit tapersorsorneqarnissaannut Inatsisartut inatsisaanni § 18, imm. 1 malillugu nakkutilliinermik ingerlatsiviup ingerlatsinermut sammititamik inunnut innarluutilinnut ulloq unnuarlu paaqqinniffinnik nakkutilliissapput, matumani ulloq unnuarlu neqeroorutit matoqqasut ilanngullugit. Ulloq unnuarlu paaqqinniffimmi pitsaassutsit pisariaqartinneqartut suli pigineqarnersut aamma ulloq unnuarlu paaqqinniffiup aamma Naalakkersuisut akornanni ingerlatsinissamut isumaqatigiissut naammassineqarnera nakkutilliinerup qulakiissavaa.

Imm. 2. Nakkutilliinermik ingerlatsivik ingerlatsinermut sammititamik nakkutilliinermut atatillugu ulloq unnuarlu paaqqinniffimmi pissutsit misissorlugillu ulloq unnuarlu paaqqinniffimmi sulisunik oqaloqateqartassaaq.

Imm. 3. Nakkutilliinermik ingerlatsivik nakkutilliinermik suliassamik isumaginninnermini ulloq unnuarlu paaqqinnittarfimmur nalunaaqqaarluni nakkutilliartortassaaq, paasissutissanillu ulloq unnuarlu paaqqinniffimmit pissarsisassalluni.

Imm. 4. Nakkutilliinermik ingerlatsivik imm. 3 malillugu nalunaaqqaarluni nakkutilliartortarnerup saniatigut aamma nalunaaqqaarani ulloq unnuarlu paaqqinnittarfimmur nakkutilliartorsinnaavoq.

Imm. 5. Imm. 1 malillugu nakkutilliineq toraagalimmik nakkutilliinertut ingerlanneqassaaq, tassani suliassaqarfiit toqqakkat taamaallaat ukkatarineqassallutik.

§ 53. § 52 malillugu ingerlatsinermut sammititamik nakkutilliineq ingerlanneqassaaq assigiimmik, aaqqissuussaasumik upernarsaaserluakkamillu ulloq unnuarlu paaqqinniffiup tunniussassaanik inissatigullu atugassarititaanik, kiisalu ulloq unnuarlu paaqqittarfiup suliassamik isumaginnittarneranik nalilersuinissamut tunngavissiisumik.

Imm. 2. Nakkutilliineq ingerlanneqassaaq inunnit suliap, aaqqissussaanerup aningasaqarnerullu ataqtigiiinnissaannik paasinnissinnaasunit taamalu ulloq unnuarlu paaqqinniffiup unammillernartoqartitaanik ingerlariaqqinnissamullu periarfissaanik nalunaaruteqarsinnaasunit.

Imm. 3. Nakkutilliinermut atatillugu Nakkutilliinermik ingerlatsiviup ulloq unnuarlu paaqqinniffimmi aqutsisut, sulisut meeqqallu inissinneqarsimasut oqaloqatigalugit peqataatittassavai. Angajoqqaatut sinniisoqarsimappat sinniisut imaluunniit angajoqqaatut oqartussaasut, qanigisat allat imaluunniit

suleqatigisat nakkutilliinermut atatillugu oqaloqatigiinnerni peqataatinneqarsinnaapput.

Imm. 4. Nakkutilliinermut atatillugu siusinnerusukkut nakkutilliinermut nalunaarusiaasimasuni oqaaseqaatit, inassutigisimasat peqqussutillu aaqqissuussaasumik malitseqartinneqartarnissaat Nakkutilliinermik ingerlatsivimmit qulakkeerneqassaaq.

§ 54. § 52 malillugu ingerlatsinermut sammititamik nakkutilliinerup makku imarissavai:

- 1) Najugaqartut ineriartornissaminut, periarfissaminnik atorluaanissaminut tamatumunakkullu sapinngisaq tamaat nammineersinnaanissaat periarfissinneqassalluni.
- 2) Najugaqartut ilinniagaqarnissamik, sulilernissamik sammisassaqarnissamilluunniit periarfissaat.
- 3) Ulloq unnuarlu paaqqinniffiup sullinniagai, matumani najugaqarfissatut neqeroorutip najugaqatigiiffimmi sullinniakkanut neqeroorutai aamma najugaqartut namminneq inuunermillu sunniuteqarsinnaanerat ilanngullugit.
najugaqartut namminneq inuunerminnut sunniuteqarsinnaanerat.
- 4) Ulloq unnuarlu paaqqinniffimmi periaatsit angusallu, matumani perorsaanermi, tarnimut sunniisinnaasunut tunngasut pillugit imaluunniit tarnikkut napparsimanermi nakorsarneqarnermi sulisaatsit ilanngullugit.
- 5) Ulloq unnuarlu paaqqinniffimmi aaqqissuussaaneq aqutsinerlu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi init, matumani sullinniakkat pisariaqartitaannik tunngavissiinersut aamma najugaqarfissatut neqeroorummi periaatsit ilanngullugit.

Imm. 2. Sammineqartut tamarmik arlalitsigut naapertuuttunik tunngavilersorlugit itisilerneqassapput, ulloq unnuarlu paaqqinniffiup tamakkiisumik siumullu isigisumik aaqqissugaanik takutitsisumik.

§ 55. Ulloq unnuarlu paaqqinniffik ileqqoreqqusanik malinninnersoq Nakkutilliinermut ingerlatsiviup misissussavaa.

§ 56. § 52 malillugu Nakkutilliinermut ingerlatsiviup ingerlatsinermut sammititamik nakkutilliinissaminut paasissutissat pisariaqartitai pillugit ulloq unnuarlu neqeroorut qinnuigineqaruni, paasissutissat communalbestyrelsime tunniutissavai.

Imm. 2. Ulloq unnuarlu paaqqinniffimmit paasissutissanik ingerlatitseqqinnej nakkutilliinissamut pisariaqartuuusorineqarpat, Nakkutilliinermik ingerlatsivimmut paasissutissanik ingerlatitseqqinnej, najugaqartut imaluunniit taakku angajoqqaatut sinniisoqarsimagunik sinniisut imaluunniit angajoqqaatut oqartussaassuseqartut akuersisinngikkaluarlugit pisinnaavoq.

§ 57. Nakkutilliinermik ingerlatsivik ulloq unnuarlu paaqqinniffimmi pissutsinik ernumanartunik maluginiagaqarpat, najugaqartut pissutsinik ernumanartunik sunnerneqarsinnaappata, Nakkutilliinermik ingerlatsivik Isumaginninnermut Aqutsisoqarfimmum aamma communalbestyrelsineut inissiisimasunut nalunaaruteqartassaaq.

§ 58. Najugaqartup ilorrisimaarneranut, peqqissusaanut imaluunniit inerartorneranut annertuumik innarliisinaasumik pasitsaassisoqarsimappat uku pissutigalugit Nakkutilliinermik ingerlatsivik kommunalbestyrelsismut inissiisuusimasumut erngerluni nalunaaruteqassaaq:

- 1) inummik amigartumik isumassuisoqarpat sullissisoqarpalluunniit,
- 2) timikkut nakuuserfigineqarsimappat tarnikkulluunniit ikilerneqarsimappat, kinguaassiutitigulluunniit atornerlunneqarsimappat,
- 3) inuup atornerluisuunermik ajornartorsiuteqarneranik, pinerluuteqarnermik pissusilersortarnernik imaluunniit inummi pissusilersortarnikkut- inoqatinulluunniit naleqqussarsinnaanermut allanik annertuunik ajornartorsiuteqarpat, naammanngitsunik katsorsaaneq.

Imm. 2. Nakkutilliinermik ingerlatsiviup nakkutilliinermi allatigulluunniit paasiguniuk najugaqartoq imm. 1-imi pissutsit pineqartut naammagittaalliuutigisimagai imaluunniit nalunaarutigisimagai, naammagittaalliuut imaluunniit nalunaarut malitseqartinneqarsimanersoq Nakkutilliinermik ingerlatsiviup misissussavaa.

Peqqussut

§ 59. Nakkutilliinermik ingerlatsivik ulloq unnuarlu paaqqinnittarfimmut peqqussuteqarsinnaavoq. Peqqusinerup eqquutsinnejarnissaanut piffissaliussaq Nakkutilliinermik ingerlatsiviup aalajangersarsinnaavaa.

Imm. 2. Peqqussuteqartoqarnissaanik taamaallaat aalajangiisoqarsinnaavoq pissutsit peqqussuteqarnissamik eqqarsaateqarnermut tunngaviusut pillugit ulloq unnuarlu paaqqinniffimmisulisut oqaloqatigineqareernerisigut. Pissutsilli immikkut ittut periarfissaqartinnerisigut peqqussuteqarnissaq erngerluni aalajangerneqarsinnaavoq.

Imm. 3. Peqqussuteqarnissamik taamaallaat aalajangiisoqarsinnaavoq ulloq unnuarlu paaqqinniffiup pissutsinik aalajangiinermut tunngaviusunik aaqqiisinnaanera aaqqeerasunnerallu ilimanaateqarsorineqarpas.

Annertusisamik nakkutilliineq

§ 60. Immikkut nassuiakkamik annertusisamik nakkutilliisoqarnissaa pisariaqartinneqartoq Nakkutilliinermik ingerlatsivimmit nalilerneqarpas Nakkutilliinermik ingerlatsivik immikkut ittumik annertusisamik nakkutilliisoqarnissaanik aalajangiisinnaavoq. Sivisussusissaa pissutsit ataasiakkaat aalajangersimasut suneri tunngavigalugit aalajangersarneqartassaaq, taamaattoq piffissami annerpaamik qaammatinik pingasukkaartunik sivisunerussanani.

Imm. 2. Annertusisamik nakkutilliineq nalunaqqaarluni nalunaqqaaranilu ingerlanneqarsinnaavoq.

Imm. 3. Annertusisamik nakkutilliinissamut tunngaviusinnaapput:

- 1) ulloq unnuarlu paaqqinnittarfipajornartorsiutaata immikkut ittup nalinginnaasulluunniit

- misisssoqqinnejarnissaat pisariaqartoq nakkutilliinermit nalunaarusiaq inerniliippat,
- 2) ulloq unnuarlu paaqqinniffimmik naammagittaallitiginninneq,
 - 3) ulloq unnuarlu paaqqinniffimmik Nakkutilliinermit ingerlatsivimmit maluginiakkat nalinginnaasut imaluunniit immikkut ittut, imaluunniit
 - 4) ataatsimut naliliineq malillugu ulloq unnuarlu paaqqinniffik pisariaqartinneqartumik pitsaassuseqarunnaarsimappat.

Imm. 4. Pissutsit annertusisamik nakkutilliinissamik eqqarsaateqarnermut tunngaviusut pillugit ulloq unnuarlu paaqqinniffimmik sulisut oqaloqatigineqareernerisigut annertusisamik nakkutilliisoqarnissaanik taamaallaat aalajangiisoqarsinnaavoq. Pissutsilli immikkut ittut pisariaqartilerpassuk annertusisamik nakkutilliisoqarnissa ingerlaannartumik aalajangerneqarsinnaavoq.

Imm. 5. Ulloq unnuarlu paaqqinniffiup pissutsinik aalajangiinermut tunngaviusunik aaqqiisinnaanera aaqqeerusunneralu ilimanaateqarsorineqarpat annertusisamik nakkutilliisoqarnissaanik taamaallaat aalajangiisoqarsinnaavoq.

Nakkutilliinermit nalunaarusiaq

§ 61. §§ 52 aamma 60 naapertorlugit Nakkutilliinermit ingerlatsivik ulloq unnuarlu paaqqinniffimmik ingerlatsinermut sammititamik nakkutilliinermit tamanit nalunaarusiortassaaq.

Imm. 2. Nakkutilliisimanermiit nalunaarusiamit paasissutissat tulliuttut makku saqqummiunneqassapput:

- 1) Ulloq nakkutilliiffiusoq.
- 2) Kina nakkutilliinermit ingerlatsisimanersoq.
- 3) Nakkutilliineq nalunaaqqaarluni nalunaaqqaarnaniluunniit ingerlaneqarsimanersoq.
- 4) Nakkutilliineq nalinginnaasoq imaluunniit annertusisamik nakkutilliinerunersoq.
- 5) Nakkutilliisoqartinnagu paasissutissat suut Nakkutilliinermit ingerlatsiviup pissarsiariniarsimanerai.
- 6) Nakkutilliinermit ingerlatsiviup nakkutilliinerminut atatillugu kikkut oqaloqateqatigisimanerai.
- 7) Atorfinnut akuerisaasunut naleqqiullugu najugaqarfissatut neqeroorummi najugaqartut amerlassusaat aamma najugaqartut tapersorsorneqarnissamik pisariaqartitaat.
- 8) Ukumi kingullermi pissaanermik atuinerit qassiusimanersut.
- 9) Nakkutilliinermi maluginiarneqartut.
- 10) Najugaqartut pisariaqartitaannik ineriartornissamullu periarfissaannik najugaqarfissatut neqeroorutip nalilersorneqarnera.
- 11) Nakkutilliinerup malitsigisaanik qisuardaataasinnaasut, matumanit kommunalbestyrelsimit imaluunniit kommunalbestyrelsinit inissiisimasunut paasissutissanik ingerlatitseqqinnerit ilanngullugit.

Imm. 3. § 52, imm. 5 malillugu toraagalimmik nakkutilliinermi nakkutilliinermit nalunaarusiaq suliassaqarfiiit toqqakkat ukkatarineqartut pillugit paasissutissanik taamaallaat imaqqassaaq.

§ 62. § 61 malillugu inaarutaasumik nakkutilliinermit nalunaarusiapi suliarineqararluni ulloq unnuarlu paaqqinnittarfimmut nassiunneqannginnerani, nakkutilliinermit nalunaarusiaq sivikinnerpaamik ulluni 14-ini ulloq unnuarlu paaqqinnittarfimmut kiisalu isumaginninnermut aqutsisoqarfimmut tusarniaassutigineqassaaq.

Imm. 2 Nakkutilliinermit nalunaarusiaq kingusinnerpaamik ullormi nakkutilliiffiusimasumit qaammatit pingasut qaangiunneranni naammassillugu suliarineqareersimassaaq.

Imm. 3. Immikkut ittumik pisoqartillugu imm. 1-imi 2-milu piffissaliussat avaqqunneqarsinnaapput.

Imm. 4. Nakkutilliinermit nalunaarusiaq isumaginninnermut aqutsisoqarfimmut kiisalu kommunalbestyrelsinit meeqqanik ulloq unnuarlu paaqqinnittarfimmut inissiimasunut ilisimatitsissutitut nassiunneqassaaq.

Imm. 5. Nakkutilliineq pillugu nalunaarusiaq Naalakkersuisut nittartagaanni aamma ulloq unnuarlu paaqqinniffiup nittartagaani tamanut saqqummiunneqassaaq.

§ 63. § 61 malillugu Nakkutilliinermit ingerlatsiviup nakkutilliinermit nalunaarusiami taassavai:

- 1) oqaaseqaatit paasisimasat ilisimatitsissutilu, imaluunniit
- 2) pissutsit iluarsineqartariaqartut iliuuseqarfingeqartariaqartullu pillugit innersuussutit.

Imm. 2. Imm. 1 malillugu oqaaseqaatit innersuussutiluunniit ulloq unnuarlu paaqqinniffiup oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit innersuussinermut tunngaviusut qanoq pitsaanerulersinnaanerannut imaluunniit aaqqiiffingeqarsinnaanerannut ilitsersummik imaqassallutik.

§ 64. § 61 malillugu nalunaarusiami ulloq unnuarlu paaqqinniffik pissutsit inassuteqarnermut imaluunniit peqqussuteqarnermut tunngaviusut pillugit ulloq unnuarlu neqeroorummit qanoq ililluni aaqqiivigineqarnissaat naatsorsuuteqarnersut pillugu allakkatigut pilersaarusoqqullugu Nakkutilliinermit ingerlatsivik nakkutilliinermit nalunaarusiami innersuussisinnaavoq imaluunniit peqqussuteqarsinnaalluni.

Kapitali 9

Utoqqarnik paaqqinniffinnik ingerlatsinermut sammititamik nakkutilliineq

§ 65. Utoqqarnut paaqqinniffinnik communalbestyrelsimit pilersinneqarsimasunik ingerlanneqartunillu ingerlatsinermut sammititamik communalbestyrelse ukiumut ataasiarluni aamma pisariaqartitsineq naapertorlugu nakkutilliisassaaq. Utoqqarnut paaqqiffimm pilersaarusoqqullugu pisariaqartinneqartoq suli pigineqarnersoq nakkutilliinerup qulakkiissavaa.

Imm. 2. Kommunalbestyrelsip nakkutilliinerminut atatillugu utoqqarnut paaqqinniffinni pissutsit misissorlugillu utoqqarni paaqqinniffinni sulisut oqaloqatigissavai.

Imm. 3. Kommunalbestyrelsip nakkutilliinermini:

- 1) utoqqarnik paaqqinniffik nalunaaqqaarluni nakkutilliartorfigisassavai,
- 2) utoqqarnik paaqqinniffik paasissutissanik piniarfigisassavaa, aamma
- 3) inunnit utoqqarnut paaqqinniffiittunit paasissutissanik attuumassuteqartunik pissarsiniarnissaq.
Imm. 4. Kommunalbestyrelsip imm. 3 nr. 1 malillugu nalunaaqqaarluni nakkutilliartortarnermi saniatigut utoqqarnik paaqqinniffiit nalunaarfigeqqaarnagit aamma nakkutilliartorfigisinnaavai.

§ 66. § 65 malillugu ingerlatsinermut sammititamik nakkutilliineq ima ingerlanneqassaaq, taamaalilluni assigiissumik, ataqtigisiillugu aaqqissuussaasumik upernarsaaserluakkamillu utoqqarnut paaqqinniffiup tunniussassaanik inissatigullu atugassarititaanik, kiisalu utoqqarnut paaqqinniffiup suliassaminik isumaginnitarneranik, nalilersuinissamut tunngavissiissalluni.

Imm. 2. Inunnit suliap, aaqqissussaanerup aningaasaqarnerullu ataqtigiiinnissaannik paasinnissinnaasunit, taamalu najugaqarfissatut neqeroorutip unammillernartoqartitaanik ingerlariaqqinnissamullu periarfissaanik nalunaaruteqarsinnaasunit nakkutilliineq ingerlanneqassaaq.

Imm. 3. Nakkutilliinermi kommunalbestyrelsip nakkutilliinerminut atatillugu oqaloqatiginninnermigut utoqqarnut paaqqinniffimmi aqutsisut, sulisut inuillu najugaqartut peqataatissavai. Najugaqartut angajoqqaatut sinniisoqarpata, sinniisut nakkutilliinermi peqataatinneqarsinnaapput.

Imm. 4. Siusinnerusukkut nakkutilliinermit nalunaarusiaasimasuni oqaaseqaatit, inassutigisimasat peqqussutilu aaqqissuussaasumik malitseqartinneqartarnissaat kommunalbestyrelsip nakkutilliinermut atatillugu qulakkiissavaa.

§ 67. § 65 malillugu ingerlatsinermut sammititamik nakkutilliinerup makku sammisarissavai:

- 1) Najugaqartut namminneq periarfissaminnik atorluaanissaat tassunakkullu sapinngisaq tamaat nammineersinnaanerminnik attassisinnaanissaat.
- 2) Najugaqartut sammisassaqarnissamut periarfissaat.
- 3) Utoqqarnut paaqqinniffiup sullinniagai, matumani ulloq utoqqarnut paaqqinniffiup sullinniakkaminut neqeroorutigisaata imarisai ilanngulligit, kiisalu najugaqartut nammineq inuunerminnut sunniuteqaqataanerat.
- 4) Utoqqarnik paaqqinniffimmi periaatsit angusallu.
- 5) Utoqqarnik paaqqinniffimmi aaqqissuussaaneq aqutsisullu.
- 6) Utoqqarnik paaqqinniffimmi sulisoqarnikkut piginnaasat.
- 7) Utoqqarnik paaqqinniffimmi illutatigut sinaakkutissat, matumani sullinniakkat pisariaqartitaannut aamma utoqqarnik paaqqinniffiup periaasaanut naapertuunnersut

Imm. 2. Sammineqartut tamarmik arlalitsigut naapertuuttunik tunngavilorsorlugit itisilerneqassapput, utoqqarnik paaqqinniffiup tamakkiisumik siumullu isigisumik aaqqissugaanik takutitsisumik.

§ 68. § 65 malillugu utoqqarnut paaqqinniffik kommunalbestyrelsimit nakkutilliisuusumit qinnuagineqarunik paasissutissat kommunalbestyrelsip ingerlatsinermut sammititamik nakkutilliinermini pisariaqartitai tunniutissavaat.

Imm. 2. Utoqqarnut paaqqinniffimmit paasissutissanik communalbestyrelsimit ingerlatitseqqinnej, ingerlatitseqqinnej nakkutilliinissamut pisariaqartuusorineqarpat, najugaqartut imaluunniit taakku angajoqqaatut sinniisoqarsimagunik sinniisui akuersisinngikkaluarlugit pisinnaavoq.

§ 69. § 65 malillugu communalbestyrelse ingerlatsinermut sammititamik nakkutilliinerminut atatillugu utoqqarnut paaqqinniffimmi pissutsinik ernumanartunik maluginiagaqarpat, communalbestyrelsimit inissiisuuusimasumut communalbestyrelse nalunaaruteqassaaq, najugaqartut pissutsinik ernumanartunik sunnerneqarsinnaappat.

Nakkutilliinermit nalunaarusiaq

§ 70. § 65 malillugu communalbestyrelse ingerlatsinermut sammititamik nakkutilliinerit tamaasa nakkutilliinermit nalunaarusiamik suliaqartassaaq.

Imm. 2. Nakkutilliisimanermit nalunaarusiami paasissutissat tulliuttut saqqummiunneqassapput:

- 1) Ulloq nakkutilliifflusoq.
- 2) Kina nakkutilliinermit ingerlatsisimanersoq.
- 3) Nakkutilliineq nalunaaqqaarluni nalunaaqqaarnaniluunniit ingerlaneqarsimanersoq.
- 4) Nakkutilliisoqartinnagu paasissutissat suut communalbestyrelsip pissarsiariniarsimanera.
- 5) Kommunalbestyrelsip nakkutilliinerminut atatillugu kikkut oqaloqateqatigisimanera.
- 6) Atorfinnut akuerisaasunut naleqqiullugu najugaqarfissatut neqeroorummi najugaqartut amerlassusaat aamma najugaqartut tapersorsorneqarnissamik pisariaqartitaat.
- 7) Ukumi kingullermi pissaanermik atuinerit qassiusimanersut.
- 8) Nakkutilliinermi maluginiarneqartut.
- 9) Najugaqartut pisariaqartitaannik ineriarternissamullu periarfissaannik najugaqarfissatut neqeroorutip nalilersorneqarnera.
- 10) Nakkutilliinerup malitsigisaanik qisuardaataasinnaasut, matumanit communalbestyrelsimit imaluunniit communalbestyrelsintut inissiisimasunut paasissutissanik ingerlatitseqqinnerit ilanngullugit.

Imm. 3. Nakkutilliinermit nalunaarusiaq utoqqarnut paaqqinniffimmut tusarniaassutigineqassaaq, tassani tusarniaanermut akissummik tunniussinissamut ullut 14-it piffissaritinneqarlutik.

Naammassillugu nakkutilliinermit nalunaarusiap assilineqarnera utoqqarnik paaqqinniffimmut nassiunneqassaaq.

§ 71. § 70 malillugu communalbestyrelsip nakkutilliinermit nalunaarusiamut ilanngullugit taassavai:

- 1) oqaaseqaatit paasisimasat ilisimatitsissutillu, aamma
- 2) pissutsit iluarsineqartariaqartut iliuuseqarfigineqartariaqartullu pillugit innersuussutit.

Imm. 2. Imm. 1 malillugu oqaaseqaatit innersuussutilluunniit utoqqarnut paaqqinniffiup oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit

innersuussinermut tunngaviusut qanoq pitsaanerulersinnaanerannut imaluunniit aaqqiiffingineqarsinnaanerannut ilitsersuummik imaqassallutik.

Kapitali 10

Naammagittaalliuuteqarsinnaatitaaneq

§ 72. Kommunalbestyrelsip nalunaarut manna malillugu aalajangiineri Isumaginnittoqarfip aqunneqarnera aaqqissugaaneralu pillugit Inatsisartut peqqussutaanni aalajangersakkat tunngavigalugit Isumaginninnermi Naammagittaalliuuteqartarfimmut naammagittaalliuutigineqarsinnaapput.

Imm. 2. Nalunaarut manna tunngavigalugu Nakkutilliinermik ingerlatsiviup aalajangiineri aqtsinermi oqartussaasunut allanut naammagittaalliuutigineqarsinnaanngillat.

Imm. 3. Nalunaarut manna malillugu, aalajangiernut meeqqat suliad imminnut tunngassuteqartut pillugit naammagittaalliuuteqarnissaminnut pisinnaatitaapput.

Kapitali 11

Atortuulerfia

§ 73. Nalunaarut ulloq 1. januaari 2020-mi atuutilissaaq.

Imm. 2. Peqatigisaanik Isumaginninnermi suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 3, 3. april 2019-imeersoq atorunnaarsinneqassaaq.

Kalaallit Nunaanni Namminersorlutik Oqartussat, ulloq 20. decembari 2019

Martha Abelsen

/

Julie Præst Wilche